



Uorden da scola

per la vischnaunca Lumnezia

Cuntegn

I.	Disposiziuns generalas	3
Art. 1	Scalems da scola	3
Art. 2	Obligaziun dad ir a scola, liug da scola, frequentaziun gratuita	3
Art. 3	Uras da bloc	3
Art. 4	Structuras dil di	3
Art. 5	Purschidas supplementaras	3
Art. 6	Purschida da pedagogia speciala	3
Art. 7	Giudicament, promozion e midada dil scalem	3
II.	Persunas d'instrucziun	4
Art. 8	Relaziun d'engaschament	4
III.	Direcziun da scola	4
Art. 9	Direcziun da scola	4
IV.	Cussegli da scola	4
Art. 10	Organisazion	4
Art. 11	Habilitad da decider	4
Art. 12	Obligaziuns e cumpetenzas	4
Art. 13	Presidi	5
V.	Via legala	5
Art. 14	Via legala	5
VI.	Disposiziun finala	5
Art. 15	Vigur	5

Uorden da scola per la vischnaunca Lumnezia

dils 7 da zercladur 2013

La radunanza communal,

sebasond sin l'art. 20 dalla Lescha davart las scolas popularas dil cantun Grischun (lescha da scola) dils 21 da mars 2012, ch'entra en vigur igl 1. d'uost 2013, sco era sefundond sin la constituziun communal,

concluda:

I. Disposiziuns generalas

Art. 1 Scalems da scola

¹ La vischnaunca Lumnezia meina ils suandonts scalems da scola:

- a) scalem da scoletta
- b) scalem primar
- c) scalem secundar I

² La frequentaziun dalla scoletta ei obligatorica per affons da lungatg jester.

Art. 2 Obligaziun dad ir a scola, liug da scola, frequentaziun gratuita

¹ L'obligaziun dad ir a scola, il liug da scola sco era la frequentaziun gratuita, sedrezzan tenor il dretg cantunal.

² Il menaschi da scola vegn mantenius els loghens d'instrucziun d'entochen dacheu a Vrin/Lumbrein, Vella e Cuschnaus, aschiditg ch'il diember da scolars lubescha, q. v. d. aschiditg ch'il diember sutapassa buca 5 scolarets e buca 15 scolars per plirs onns.

³ Davart eventualas midadas dil liug da scola per singuls scolars decida il cussegli da scola.

Art. 3 Uras da bloc

La vischnaunca garantescha las uras da bloc prescrettas dil cantun sil scalem da scoletta e sil scalem primar.

Art. 4 Structuras dil di

La vischnaunca porscha en cass da basegns structuras dil di supplementaras.

Art. 5 Purschidas supplementaras

¹ En cass da basegns sa la vischnaunca Lumnezia scaffir ulteriuras purschidas sco lavour sociala da scola ni purschidas da timeout.

² Sche necessari installeschan las instituziuns responsablas per la scola purschidas specialas per scolaras e scolars cun talents extraordinaris.

Art. 6 Purschida da pedagogia speciala

Per ordinar e per realisar mesiras da pedagogia speciala sil sectur sempel (niederschwelliger Bereich) ei la vischnaunca responsabla.

Art. 7 Giudicament, promozion e midada dil scalem

Il giudicament sco era la promozion e la midada da scalem dallas scolaras e dils scolars vegnan fatgs tenor il dretg cantunal.

II. Persunas d'instrucziun

Art. 8 Relaziun d'engaschament

¹ Las persunas d'instrucziun ein emploiertas dalla vischnaunca Lumnezia.

² Observond il dretg cantunal vegn la relaziun d'engaschament dallas persunas d'instrucziun francada en in contract dil dretg public.

III. Direcziun da scola

Art. 9 Direcziun da scola

La vischnaunca nominescha ina direcziun da scola.

IV. Cussegl da scola

Art. 10 Organisaziun

¹ Il cussegl da scola consista silmeins da tschun commembras ni commembers. El vegn menaus dalla presidenta ni dil president dil cussegl da scola. El seconstituescha sesez.

² Il cussegl da scola vegn convocaus dalla presidenta ni dil president aschi savens sco las fatschentas pretendan ni sch'ina commembra ni in commember pretendan quei.

³ Eis ei indicau sa il cussegl da scola envidar allas sesidas ulteriuras persunas cun vusch consultativa.

⁴ Davart las tractandas sto vegnir scret in protocol.

Art. 11 Habilitad da decider

Il cussegl da scola ei habels da decider sche dapli che la mesedad dallas commembras e dils commembers ein presents.

Art. 12 Obligaziuns e cumpetenzas

¹ Il cussegl da scola meina e surviglescha la scola ed exequescha la legislaziun da scola cantunala e communal. El ademplescha tut las incumbensas sil sectur dalla scola ch'ein buc adossai ad in'autra autoritat ni ad in'autra instance entras relaschs cantunals ni communals.

² El ha cunzun l'incumbensa da

1. decider davart l'anticipaziun respectivamein davart la suspensiun dall'entschatta da scoletta e dalla scola (scalem primar);
2. decider davart la cuntuaziun digl onn da scola en ina classa inferiura, sch'in affon ei surdumandaus;
3. decider davart il sursiglir ina classa;
4. decider davart purschidas supplementaras per affons da lungat jester;
5. ordinar ed abolir mesiras da pedagogia speciala sil sectur sempel;
6. exclauder in affon dalla scola duront il temps da scola obligatori;
7. decider davart la relaschada anticipada d'in affon sil pli baul suenter otg onns da scola obligatorics;
8. decider davart la frequentaziun d'ulteriurs onns da scola suenter il temps da scola obligatori;
9. exclauder in affon dalla scola duront il temps da scola postabligatori (nachobligatorisch);
10. decider davart la recepziun d'in affon d'in auter pertader da scola e fixar il daners da scola correspondent;
11. far visetas da scola;
12. decider davart il diember da lecziuns annual proponius dalla direcziun da scola;
13. decider davart la repartiziun dalla classas e dils pensums;

14. lubir occurrentzas da scola e sport sco era dis e jamnas da project;
15. fixar las vacanzas – cun excepziun dallas vacanzas d'atun e da Nadal – en entelgentscha ed en coordinaziun culs cussegls da scola dalla regiun sco era declarar occurrentzas da scola specialas sco obligatorias duront ils suentermiezdis libers ni las sondas;
16. aprobar ils transports da scola. L'organisaziun suprenda la direcziun da scola;
17. relaschar in reglament davart absenzas e congedis;
18. relaschar in uorden disciplinar;
19. engaschar e relaschar las persunas d'instrucziun, la direcziun da scola, il personal dil secretariat da scola, personal gidonter ed ulteriur personal da scola;
20. relaschar in carnet da duers per la direcziun da scola;
21. relaschar in reglament davart la formaziun supplementara e davart il congedi da formaziun supplementara dallas persunas d'instrucziun e dalla direcziun da scola;
22. sancziunar cuntravenziuns enviers igl art. 68 dalla lescha da scola cantunala;
23. aprobar il preventiv da scola annual per mauns dalla suprastanza communalia;
24. impunder ils mieds concedi entras l'approbaziun dil preventiv sil sectur dalla scola;
25. decider davart expensas unicas e buca previdas el preventiv entochen CHF 5'000.00 per cass;
26. eleger il dentist ni dentista e miedi ni miedia da scola;
27. relaschar ulteriurs reglements ed uorden en stretg connex cul menaschi da scola.

Art. 13 Presidi

¹ La presidenta respectivamein il president dil cussegl da scola representa il cussegl da scola anoviards, prepara las fatschentas dil cussegl da scola e procura per l'execuziun dils conclus decidi.

² En cass urgents che pertuccan il camp da cumpetenzas dil cussegl da scola prenda ella respectivamein el las mesiras necessarias. Tenor pusseivladad decida il cussegl da scola definitivamein en caussa a caschun da sia proxima sesida.

V. Via legala

Art. 14 Via legala

¹ Encunter disposiziuns ed encunter decisiuns dallas persunas d'instrucziun, dalla direcziun da scola e dalla presidenta respectivamein dil president dil cussegl da scola sa vegrir fatg recuors tier il cussegl da scola enteifer 10 dis.

² Encunter disposiziuns ed encunter decisiuns dil cussegl da scola che pertuccan fatgs da scola sa vegrir fatg recuors tier il departament d'educaziun, cultura e protecziun digl ambient enteifer 10 dis, nun che la lescha cantunala da scola disponi enzatgei auter.

³ Encunter decisiuns d'assignaziun negativas ed encunter disposiziuns da buca promover respectivamein da promover sa vegrir fatg recuors tier igl uffeci per la scola populara e dil sport enteifer 10 dis. Igl uffeci sa preveder ina procedura speciala per giudicar il recuors.

VI. Disposiziun finala

Art. 15 Vigur

Quei uorden da scola entra en vigur suenter l'approbaziun dil departament d'educaziun, cultura e protecziun digl ambient igl 1. d'uost 2013.

Approbau dalla radunanza communal Lumnezia, ils 7 da zercladur 2013.

Il president communal

Duri Blumenthal



Il canzlist communal

Marcus Cavegn

Approbaus dil departament tenor art. 14 dalla Ordinaziun tier la lescha da scola dils 25 da settember 2012 (DG 421.010)

Cuera, ils

**Approvà dal departament d'educaziun, cultura e protecziun de l'ambient tenor
disposiziun dal departament dals 28.6.2013**

Il chef: